



Kalaallit illuisa ullumikkut sunik suliaqartarnerannut tunngasumik nalunaarusioqqullugit Naalakkersuisut peqquneqarnissaannik Inatsisartut aaliangiiffigisassaattut siunnersuut. Taassuma saniatigut Kalaallit illuisa siunissami aaqqissuussaanikkut qanoq isikkoqarsinnaanerannut, qanoq akisussaaffeqarnissaannik qanorlu atuuffeqarsinnaanerannut tunngasunik innersuussutinik nalunaarusiaq aamma imaqartinneqassaaq.

(Inatsisartunut ilaasortaq Peter Olsen Inuit Ataqatigiit)

(Siullermeerneqarnera)

Qujanaq Inatsisartunut ilaasortaq Peter Olsen siunnersuummut.

Danmarkimi Kalaallit illui arlalitsigut atorneqarput nunaqqatitta, Danmarkimiittut, nunaqavissuugunik killilimilluunniit najugaqaralarunik atorsinnaasaannik. Isumaqarpugut, nunaqqatigut, Danmarkimi najugaqartut illuutit taakku nuannarigaat. Aammali allatuulli, pingaartuuvoq, ullutsinnut malinnaanissarput.

Siunnersuuteqartup isummersuutigaa, kalaallit illui piffissami allarluinnarmi pilersinneqarsimaneri, ullumikkornit ilaqtannut ikinngutinullu atassuteqarnissamut killeqarnerujussuarmi. Siunnersuuteqartoq isumaqatigaarput oqarmat, isumassarsiatsialaasoq isiginiassallugu, qanoq ililluta kalaallit illui nutartersinnaanerigut qulakkeerlugulu, suliat atorneqarnerilu, ullumikkumut tulluunnerusunngortinnissaannut.

Taamatutaaq isumaqatigaarput, maani nunatsinni aningaasameeratta atugarissaarnissamut suliassanut tamarluinnangajannut. Tassungalu atatillugu pissusissamisoorpoq isiginiassallugu, qanoq annertutigisumik iluaqtaassanersoq kalaallit illuinut aningaasat atortakkatta ilai maani nunatsinni siunertanut nuunneqarunik iluassanersoq.

Tamanna tunngavigalugu isumaqatigaarput, misissussallugu pitsaassasoq, qanoq ililluta siunissami Danmarkimi kalaallit illui atortarniarnerigut. Pingaartuuvorli, siunertarineqaannassanngimmat, sipaarutaasussaannartut. Ataqqineqassaaq, soorlu assersuutigalugu ilinniartut napparsimasullu, Danmarkimi najugaqarallartut nunaqqatiminnik naapitsisinnaanerit, immisut inissisimasunik aammalu, kalaallit illuisa oqaatsitsinnut kulturitsinnullu attuumassuteqarnerat attanneqarsinnaammat.

Siunnersuut taama oqaasertalerlugu ataatsimiititaliami susassaqartumi oqaluuserisassatut innersuupparput.